

Sakiću jednomjesečni pritvor

Sud BiH odredio je jednomjesečni pritvor Jasminu Sakiću, osumnjičenom za organizovani kriminal, a u vezi sa neovlaštenim prometom akciznih proizvoda, javlja Srna.

Sud BiH je odredio pritvor zbog osnovane bojazni da će Sakić, ako se nađe na slobodi - uništiti, sakriti, izmijeniti ili falsifikovati dokaze ili tragove važne za krivični postupak, odnosno da će ometati krivični postupak uticajem na svjedoke, saučesnike ili prikrivače.

Sakić je uhapšen prošle sedmice u okviru akcije Državne agencije za istrage i zaštitu (SIPA) kodnog naziva List 1, pokrenute radi otkrivanja i krivičnog procesuiranja osumnjičene organizovane grupe koja se bavila krijumčarenjem rezanog duhana, na koji nisu plaćeni porez niti akcize.

